

«ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԳԻՏԱԿԱՆ ԽՈՐՀՐԴԻ

ՈՐՈՇՈՒՄ

23 Դեկտեմբերի 2021, N 7 - 5

**031101.00.6 «ՏՆՏԵՍԱԳԻՏՈՒԹՅՈՒՆ» ԵՎ 041201.01.6 «ՖԻՆԱՆՍՆԵՐ (ԸՍՏ ՈԼՈՐՏԻ)»
ՄԱՍՆԱԳԻՏՈՒԹՅՈՒՆՆԵՐԻ ԿՐԹԱԿԱՆ ԾՐԱԳՐԵՐԻ ՆՈՐ ՈՒՍՈՒՄՆԱԿԱՆ ՊԼԱՆՆԵՐԸ
ՀԱՍՏԱՏԵԼՈՒ ԵՎ 2022-2023 ՈՒՍՈՒՄՆԱԿԱՆ ՏԱՐՎԱՆԻՑ ՍԿՍԱԾ ՈՒՍՈՒՄՆԱԿԱՆ
ԳՈՐԾԸՆԹԱՑԸ ՆՈՐ ՈՒՍՈՒՄՆԱԿԱՆ ՊԼԱՆՆԵՐՈՎ ԻՐԱԿԱՆԱՑՆԵԼՈՒ ՄԱՍԻՆ**


Լսելով և քննարկելով «Տնտեսագիտական կրթության և հետազոտությունների աջակցման կենտրոն» հիմնադրամի ֆինանսավորմամբ ձևավորված «ՀՊՏՀ» ՊՈԱԿ, ՀՀ ԿԲ, ՈԱԱԿ և ԱՓՇՏԱԿ հիմնադրամներից կազմված մասնագիտական փորձագիտական խմբերի կողմից մշակված բակալավրական ուսուցման 031101.00.6 «Տնտեսագիտություն» և 041201.01.6 «Ֆինանսներ (ըստ ոլորտի)» մասնագիտությունների կրթական ծրագրերի ուսումնական պլանները հաստատելու մասին հարցը, **արձանագրելով**, որ կրթական ծրագրերը և դրանց ուսումնական պլանները մշակվել են «Հայաստանի պետական տնտեսագիտական համալսարանում մասնագիտական կրթական ծրագրերի մշակման, գնահատման և մշտադիտարկման կարգի» դրույթների պահպանմամբ, մշակող փորձագետների կողմից քննարկվել են կրթական ծրագրերը սպասարկող առանցքային ամբիոնների հետ, միաձայն՝ կողմ քվեարկությամբ հաստատվել են համալսարանի մակրոէկոնոմիկայի, միկրոէկոնոմիկայի, տնտեսագիտության տեսության, միջազգային տնտեսական հարաբերությունների ամբիոնների 2021 թվականի դեկտեմբերի 15-ի, ինչպես նաև բանկային գործի և ապահովագրության ու ֆինանսների ամբիոնների 2021 թվականի դեկտեմբերի 15-ի համատեղ նիստերում և հաստատման են երաշխավորվել գիտական խորհրդին կից ուսումնամեթոդական հանձնաժողովի դեկտեմբերի 16-ի թիվ N 3 նիստում, «Հայաստանի պետական տնտեսագիտական համալսարան» պետական ոչ առևտրային կազմակերպության գիտական խորհուրդը **որոշում է.**

1. Հաստատել բակալավրական ուսուցման 031101.00.6 «Տնտեսագիտություն» մասնագիտության կրթական ծրագրի նոր ուսումնական պլանը:
2. Հաստատել բակալավրական ուսուցման 041201.01.6 «Ֆինանսներ (ըստ ոլորտի)» մասնագիտության կրթական ծրագրի նոր ուսումնական պլանը:
3. **2022-2023** ուսումնական տարվանից սկսած 031101.00.6 «Տնտեսագիտություն» և 041201.01.6 «Ֆինանսներ (ըստ ոլորտի)» մասնագիտությունների առկա և հեռակա ուսուցմամբ բակալավրիատի ընդունելությունն իրականացնել և ուսումնական գործընթացը կազմակերպել նոր ուսումնական պլաններով:

4. Ներառյալ մինչև 2020-2021 ուսումնական տարին՝ 031101.00.6 «Տնտեսագիտություն» և 041201.01.6 «Ֆինանսներ (ըստ ոլորտի)» մասնագիտությունների առկա և հեռակա ուսուցմամբ բակալավրիատ ընդունված ուսանողների ուսուցումը շարունակել ընդունելության պահի դրությամբ հաստատված և գործած ուսումնական պլաններով:
5. Հանձնարարել համալսարանի ուսումնական բաժնին՝ UMS համակարգում **2022-2023** ուսումնական տարվա համար մինչև 2022 թվականի մայիսի 30-ը 031101.00.6 «Տնտեսագիտություն» և 041201.01.6 «Ֆինանսներ (ըստ ոլորտի)» մասնագիտությունների առկա և հեռակա ուսուցմամբ բակալավրիատի ուսուցման կազմակերպման համար ձևավորել սույն որոշմամբ հաստատված ուսումնական պլանների համապատասխան մոդուլները:
6. Հանձնարարել համալսարանի մակրոէկոնոմիկայի, միկրոէկոնոմիկայի, տնտեսագիտության տեսության, միջազգային տնտեսական հարաբերությունների, բանկային գործի և ապահովագրության, ֆինանսների, բարձրագույն մաթեմատիկայի, տնտեսական ինֆորմատիկայի և տեղեկատվական համակարգերի, վիճակագրության ու տնտեսամաթեմատիկական մեթոդների ամբիոնների վարիչներին՝ 2022-2023 թվականներին ամբիոնների ակադեմիական կազմի ներկայացուցիչների վերապատրաստման և ատեստավորման կարգով սահմանված աշխատանքները պլանավորել և կազմակերպել ելնելով նոր ուսումնական պլաններում ներառված դասընթացների որակյալ սպասարկումն իրականացնելու անհրաժեշտությունից՝ մինչև 2022 թվականի մարտի 30-ը ուսումնական աշխատանքների գծով պրոռեկտորի և արտաքին կապերի դեպարտամենտի հետ հստակեցնելով վերապատրաստվող ակադեմիական կազմի ցանկը և վերապատրաստման մասնագիտական մոդուլները:
7. Սույն որոշման կատարման նկատմամբ վերահսկողությունը վերապահել ուսումնական աշխատանքների գծով պրոռեկտոր Ա.Վ.Գրիգորյանին:
8. Սույն որոշումն ուժի մեջ է մտնում ընդունման պահից:

Գիտական խորհրդի նախագահ՝

2021 թ. դեկտեմբերի 23
Երևան



Դ. Գալոյան